

## Poticati učenje jezika – šta roditelji mogu učiniti?

Vi kao roditelji odlučujete, na kojim jezicima treba da odrastaju Vaša djeca. Postoji mnogo modela, koji vode do toga da se odrasta sa znanjem više jezika. Svako dijete ima pravo na maternji jezik ili tzv. prvi jezik.

Vaše dijete treba imati mogućnost da nauči Vaš maternji jezik (ili Vaše maternje jezike). Ono bi npr. trebalo znati razgovarati sa svojom bakom i svojim djedom, sa svojim rođacima, kao i poznavati svoje porijeklo, jezik i kulturu, i moći sporazumjeti se u toj zemlji.

Njemački jezik, kao jezik okoline i škole, je važan jezik koji Vaše dijete mora naučiti, da bi moglo uspostavljati kontakte i da bi imalo mogućnosti za dobro obrazovanje. Vi svoje dijete možete potpomagati u učenju jednog ili više jezika, ako radite i često razgovarate s njim. Računar i televizor ne mogu preuzeti taj zadatak!

Ako na većinu dole navedenih pitanja možete odgovoriti sa „da“, onda ste na pravom putu.

- Da li svaki dan provodite određeni dio vremena sa Vašim djetetom?
- Da li se ponekad igrate sa djetetom?
- Da li posmatrate kako se dijete razvija? Da li primjetite ako dijete npr. boli uho? Ako dijete ne čuje dobro?
- Da li razgovarate sa djetetom o onome šta je radilo ili doživjelo?
- Da li se Vaše dijete smije igrati i kretati u bašti/dvorištu ili na igralištu npr. igrati se u pijesku, skupljati kamenje na plaži, brčkati se u vodi, igrati se u snijegu...?
- Da li ponekad kuhate nešto zajedno sa djetetom?
- Da li puštate svoje dijete da se igra sa drugom djecom (i djecom koja govore njemački)? Da li Vaše dijete ima prijatelje i prijateljice?
- Da li sa svojim djetetom razgovarate o nekom određenom televizijskom programu, koje je gledalo?
- Da li saslušate dijete kada hoće da nešto ispriča?
- Da li djetetu pričate priče (na primjer iz Vašeg djetinjstva, iz Vaše svakodnevnice...)?
- Da li gledate slikovnice?
- Da li djetetu ponekad pročitate neku priču?
- Da li se sjećate nekih pjesama, stihova ili igara iz Vašeg djetinjstva na Vašem maternjem jeziku? Da li ih Vaše dijete uči od Vas?
- Da li sa svojim djetetom idete u Opštinsku biblioteku i iznajmljujete knjige ili kasete?
- Da li Vaše dijete kuće čita i kod kuće (ako već ide u školu)?

© okay.zusammen leben/ Projektstelle für Zuwanderung und Integration

© okay.živjeti zajedno/ Projektni ured za migraciju i integraciju

okay. zusammen leben  
Projektstelle für Zuwanderung und Integration

Färbergasse 15/304 | A-6850 Dornbirn | Tel.+43-5572-398102 | Fax -4 | office@okay-line.at | www.okay-line.at  
Projektträger: Verein Aktion Mitarbeit | ZVR: 142483657 | UID: ATU 39339202